

Rapper femenino "Alaska": "Desde tempo cu mi tabata chikito, tur cos pa mi tabata musica"



ORANJESTAD – Alaska cu actualmente tin 26 aña, ta conoci como un di e tiki ser femenino nan cu Aruba tin den e rango di musica rap. Ta conta Bon Dia Aruba den un entrevista amplio su storia. Desde tempo e tabata chikito musica tabata tur cos pa su persona.



Bon Dia Aruba a puntra Alaska, kico a haci cu el a scoge pa bay den rumbo di musica. El a conta cu desde cu tabata chikito e tabata bay scol di musica. Pa un tempo cortico tambe el a participa den un grupo di baile y na cas den su tempo liber ta musica so e ta scucha. Musica ta parti di ken e ta tambe. Den su propio palabranan e ta bisa "Ani no a kies musica,

musica a kies ami y e ta algo cu mi ta hiba cu mi tur caminda".

Hubentud duro

Alaska ta conta cu tempo di si hubentud, el a pasa hopi cos. Y e ta bisa cu cosnan cu el a pasa aden y a mira ta consecuenan di su mesun decisionnan. Alaska ta bisa "Mi hubentud tabata algo cu mi no a conoce of por a experiencia manera un hoben tin cu experiencia. Mi a pasa den duro y mi a siña hopi di locual a pasa cu mi y bida a trece pa mi. Mi tawata cera na Merca pa algun aña y eynan mi a bin conoce mi mes di berdad. Tambe mi a realiza con importante decisionnan cu bo ta tuma den bida aki. Tur decision tin su reaccion y mi no tin berguensa di bisa cu prizon pa mi tabata un di nan. Mi kier conta mi storia pa yuda hobennan eyfo. Ora mi a bin Aruba bek, mi a bin cu un deseo di skirbi mi mesun buki of kisas lanta un organisacion unda tur e mucha muhenan hoben por saca nan talento".

Musica na Aruba

Segun Alaska, un dia el a haya curashi pa puntra su amigo cu

e tabata sa caba pa algun tempo tabata traha muziek si e tabata tin mester di un mucha muhe pa canta pa laga e sa esaki. Esaki ta "Claudius Philips II" aka Vice Verse. Segun Alaska, e ta encarga di e produccion #BYP (BackYardProduction) unda e tin 10 aña ta estableciendo como productor. Alaska ta comenta "Eynan ta unda tur cos a cuminsa y mi deseonan a cuminsa bira realidad, akinan ta unda mi a bin scoge e rumbo di musica paso mi no ta solamente haciendo algo cu mi stima, pero awo mi tin chens di conta mi storia traves di mi musica. Nunca mi por a pensa cu mi lo bira un artista, of un persona cu hendenan lo wak manera un role model, pero misa awo si cu mi deseo a bira realidad y awo misa cu mi lo por yuda e hubentud cu mi storia traves di mi musica."

Tiki tempo ta rap

Bon Dia Aruba, a puntra Alaska cuanto tempo e tin ta rap. El a bisa cu e tin 1 aña ta rap. Paso locual e ta haci ta canta y segun e esaki ta un talento cu el a hereda di su tanta y su omo grandi, Daddy y Jossy Brokke. Kendenan a marca historia den e mundo di musica na papiamento aki na Aruba, Curaçao y Hulanda. Te cu awo Alaska a colabora cu e banda TKO y Varios otro artista di #BYP, Ritmo Real, artistanan internacional di Puerto Rico y Merca y otro cosnan ta den proceso.

Inspiracion

Alaska ta conta cu como inspiracion e tin su 2 yunan. Su 2 yunan pe ta su inspiracion di mas grandi y e no ta sigui su soñonan pa su mes si no pa su yunan. E ta comenta "Na por wak nan mama haciendo algo positivo y pa nan mi kier

make it, unda cu dia nan bira grandi nan por scucha mi musica y bisa mami a haci algo bon den su bida. Y tambe sigur, sigur loke ta inspira ami pa mi no entrega riba e soño aki ta e chicknan hoben eyfo cu ta pasando den duro, cu ta pasa den cosnan fuerte cu hopi di nos Arubianonan no sa mes. Pa dia mi ta haya un chick nobo ta bin papi cu mi riba facebook, bin puntra ami un conseho, yora cu mi of conta ami nan logro. Y ta nan ta inspira ami tur dia, duna ami e gana pa sigui haci loke mi ta haciendo".

Bon Dia a puntra Alaska, ken su idolonan ta den mundo di



musica. El a contesta "Mi no tin un hende specifico cu mi lo kier bira manera dje pero si mi tin hopi artista cu mi ta admira cu a yega leu den musica y semper ami ta bisa mi lo kier bira ken mi lo bira paso tur artista ta unico den nan manera y tur ta diferente. Mi ta admira artistanan manera Bob Marley, Whitney Houston, 2 Pac, nan ta artista cu a laga algo atras, cu a lucha pa bay dilanti, cu a bringa pa trece pas entre nacionnan y nan mision

no tawata dje musica, tawata algo mas cu esey. Nan a bisa loke nan a conta den nan musica. Pa e motibo ey te awo nan ta legendario den e mundo musico full rond mundo y casi tur caminda bo bay bo lo scucha nan musica tocando te dia di awe y mas den futuro semper bo lo scucha nan esaki ta algun role models cu mi tin".

Hende muhe den rap

Con e ta sinti pa ta un muhe den e rango di rap mirando cu e ta un plataforma cu ta asina destina pa hende homber, ta algo cu Alaska a wordo puntra. E ta bisa cu esaki ta algo dife-



e homber cu e muhe, e sentimiento ta master mi tin cu bisa honestamente pasobra no ta homber so ta scucha rap tin hopi hende muhe tambe cu ta gusta y ta sigui e musica di rap. Ami como un muhe haciendo esaki mi ta haya hopi atencion di e rapper nan homber aki na Aruba y tambe den exterior. Pa ta un hende muhe den e rap game na Aruba ta un experiencia hopi dushi, mi ta sinti mi apart tin biaha si ora full e studio ta yena cu homber so y como ami ta e prome rapper femenino haciendo e manera ami. Mi ta compromete dicen hende por pensa cu ta algo peligroso ora bo ta involvi den e musica di rap, e ta un

musica cu ta representa e bida di caya. Tin cierto artistanan ta presenta nan mes como rapper den un manera gangster y honestamente e ta algo cu por trece peliger na bo mes como artista dependiendo na

ki mensahe bo kier trece dilanti". Alaska ta subraya.

Proyecto actual

Actualmente Alaska tin varios proyecto andando riba su mes y tambe cu algun otro artista local. Hopi proyecto mas pa locual ta trata su carera den musica.

Alaska ta splica: "Mi a caba di logra un proyecto cu artistanan internacional di Puerto Rico y Merca esaki ta un stap basta grandi pa mi imagen y mi musica. Mi ultimo proyecto tabata esun di mi cancion "Balor", E inspiracion y letlanan pa e cancion aki tabata algo saca di mi curason, algo cu mi mes a pasa aden ora mi tawata hoben y ainda ta pasa aden. Den e cancion aki mi ta papiando directamente na e hende homber, pa nan sa con importante e ta pa duna e ser muhe su balor, no ta importa di unda e muhe ta bin of con e ta muestra of su cultura ni su color, abo como un

hende homber mester semper balora e ser muhe. haciendo e video clip pa e cancion aki tawata algo hopi special pa mi, no solamente cu e ta mi prome video clip, pero mi tawata tin e oportunidad pa por a invita diferente sorto di mucha muhe y muhe pa forma parti di video clip aki, loke no a sorprende ami ta cu tur e hende muhenan aki a pasa den algo similar di locual mi ta rap den mi cantica. Eynan ta unda mas mi a bin realiza con importante ta loke mi ta haciendo pa e hobennan eyfo."

Bon Dia Aruba a puntra Alaska unda e ta wak su mes aki pa di aña. Pa cual e ta bisa cu esey ta algo cu e no por bisa precisamente. Pero e tin un aña ta persigui musica caba, pero e ta un muhe riba un mision. Y su mision ta pa su musica yega otro paisnan. E ta agra-decido di por a lanta na Aruba y sa papi diferente idioma ya e por expresa su mes miho den diferente idioma. E ta sigur cu aki poco aña e por logra si meta como artista, di wordo conoci na paisnan grandi y duna su shownan.

Musica den sociedad

Segun Alaska, musica ta causa un influencia hopi grandi mes den sociedad, tur tipo di musica ta trece na vibracion, ener-



gia y mensahe dilanti. Sigur cu musica ta hunga un rol grandi bou hubentud, si bo ta un persona cu ta subi hopi riba Facebook bo lo ripara cu musica ta loke ta run no e hubentud so, pero hendenan en general awendia, nan ta cana, bisti, actua y ta e manera cu e musica ta bisa nan cu nan mester ta. Musica ta manda riba tur cos. Alaska ta bisa cu e ta rap pa publico, aña pasa el a duna diferente show na diferente club na Aruba cual pa su persona tabata un experiencia dushi. Pa por sali representa su mes y #BYP pero tambe su fans nan cu ta apoya e via media nan social.

Mercado na Aruba

"Na Aruba aworaki tin hopi hobennan a cuminsa sali afo y uza nan talento y compara cu un aña atras e mundo di rap na Aruba a crece extremadamente hopi. E tin su mercado ya cu asina hopi hoben kier rap y bin cu nan style y nan musica y siguramente si e sigui asina e ta bay crece hopi mas. Loke Si mi ta na altura di dje ta cu Aruba ta chikito u nos grandi nan no ta sostene e musica di rap, cual ta di comprende ya cu nos no tin e musica ey como nos cultura. Mi sinti cu mi no ta djis trece solamente un storia pero mi ta trece un speranza pa muhenan cu ta pasando den loke mi a pasa aden, esunnan cu conoce mi sa cu mi bida no tabata un facil y hopi biaha bibando un bida asina bo ta pensa cu nunca bo lo bira algo den e bida ki of logra un di bo soñonan. Mi ta sigur traves di mi musica mi ta trece un palabra un conseho na e hubentud den e mundo eyfo. E mundo artistico aki na Aruba ta algo hopi duro, e ta dificil pa scoge un bida artistico como un carera, e no ta un algo cu bo lo por steun riba dje pa cria un famia y ni bo mes. Nos como Rubiano mester biaha den exterior y purba logra unda cu lo ta hopi mas dificil paso no ta bo pais y ni bo hendenan. Pero mi ta kere di berdad cu si bo lo lucha pa logra loke bo kier den bida no ta importa unda bo ta of rond di ken, si ta algo cu bo kier di berdad bo lo bay pe y haci esaki." Alaska ta finalisa. □